

**Среда четвертая седмицы.  
На шестом часе.**

**Тропарь пророчества, глас 6:**

**Кресту Твоему поклоняемся, Владыко, и святое воскресение Твое славим.  
Слава, и ныне: тойже.**

**Прокимен, глас 6:**

**Да возрадуются и возвеселятся о Тебе / вси ищущии Тебе, Боже. Стих: Да  
возвратятся вспять и постыдятся хотящии ми злая.**

Пс 69:5А, 3Б

**Пророчества Исаиина чтение.**

Се Господь от святого места наводит гнев на живущия на земли, и открьет земля кровь свою, и не покрьет избивенных. В той день наведет Господь меч святой и великий, и крепкий на драконта змия бежаша, на драконта змия лукаваго, и убьет драконта сущаго в мори. В той день виноград добрый, желание пети над ним. Аз град крепкий, град воюемый, все напою его: пленен бо будет нощию, в день же падется стена его. Несть того, иже не возмет его. Кто мя приставит стрещи стбля на ниве? Ради вражды сея отринух и, убо сего ради сотвори Господь Бог вся, елика совещая. И сгорех, возопиют живущии в нем: сотворим мир ему, сотворим мир. Приходящая чада Иаковля, прозябнет и процветет Израиль, и наполнится вселенная плода его. Еда якоже той поразит, и сам сице уязвится? И якоже сам убий, такожде убиен будет. Сваряся и укоряя отпустит я. Не ты ли был еси помышляя духом жестоким убийти я духом ярости? Сего ради отыметя беззаконие Иаковле, и сие есть благословение его, егда отымю грех его, егда положат все камение трбещ сокрушено аки прах дробный, и не пребудут древеся их, и кумиры их будут посечени, аки дубрава далече.

Ис 26:21; 27:1-9

**Прокимен, глас 6:**

**На Тя, Господи, уповах, / да не постыжуся в век. Стих: Правдою Твоею  
избави мя.**

Пс 70:1-2А

**Среда четвертая седмицы.  
На вечерни.**

**Прокимен, глас 4:**

**Благословен Господь Бог Израилев, / творяй чудеса Един. Стих: Боже, суд  
Твой цареву даждь, и правду Твою сыну цареву.**

Пс 71:18, 1

**1. Бытия чтение.**

**Быша сынове Ноевы изшедшии из ковчега: Сим, Хам, Иафет, Хам же  
быше отец Ханаань. Трие сии суть сынове Ноевы, от сих разсаяшася по всей**

земли. И начал Ное человек делатель быти земли, и насадил виноград, и испил от вина, и упился, и обнажился в дому своем. И виде Хам, отец Ханаань, наготу отца своего, и изшед вон поведа обома брата своего. И взявше Сим и Иафет ризу, возложиша ю на обе раме свои, и идоша вспять зряще, и покрывша наготу отца своего, и лице их вспять зря, и наготы отца своего не видеша. Истрезвился же Ное от вина, и разумел елика сотворил ему сын его юнейший. И рече: проклят буди Ханаан отрок, раб будет братьям своим. И рече: благословен Господь Бог Симов, и будет Ханаан отрок раб ему. Да распространит Бог Иафета, и да вселится в селениях Симовых, и да будет Ханаан раб ему. Поживе же Ное по потопе лет триста пятьдесят. И быша вси дние Ноевы, лет девять сот пятьдесят, и умре. Сия же суть бытия сынов Ноевых, Сима, Хама, Иафета, и родившаяся им сынове по потопе.

Быт 9:18–29; 10:1

#### Прокимен, глас 4:

Мне же прилепятся Богови / благо есть. **Стих:** Коль благ Бог Израилев, правым сердцем.

Пс 72:28А, 1

#### 2. Притчей чтение.

Муж разумивый престол чувствия, сердце же безумных срывает клятвы. Рука избранных одержит удобь, льстивии же будут в пленении. Страшное слово сердце мужа праведна смущает, весть же благая веселит его. Разумив праведник себе друг будет, мысли же нечестивых некротки. Согрешающих постигнут злая, путь же нечестивых прельстит я. Не улучит льстивый ловитвы, стяжание же честное муж чистый. В путях правды живот, путие же злопомнящих в смерть. Сын благоразумный послушлив отцу, сын же непокорливый в погибель. От плодов правды снесть благий, души же беззаконных погибают безвременно. Иже хранит своя уста, соблюдает свою душу, продерзивый же устнама, устрашит себе. В похотех есть всяк праздный, руки же мужественных в прилежании. Словесе неправедна ненавидит праведник, нечестивый же стыдится, и не возимет дерзновения. Правда хранит незлобивыя, нечестивыя же злы творит грех. Суть богатяще себе, ничесоже имуще, и суть смиряющиеся во мнозе богатстве. Избавление мужа души свое ему богатство, нищий же не терпит прещения. Свет праведным всегда, свет же нечестивых угасает, души льстивыя заблуждают во гресех, праведнии же щедрят и милуют.

Притч 12:23–28; 13:1–9